

constare de dicta Declaratione, nec de revocatione S. Pii, qui loquutus fuit de Missis tantum, que celebrantur *de sero, etiam forsan, circa solis occasum*; unde dicunt, vigore privilegii Eug. IV., et ut quis illo utatur sufficere quamcumque mediocrem causam, ut *convalescentiae*, studii, et similium.

123. Quo vero ad ministrandam Eucharistiam Paulus III., aliquie Pontifices concesserunt Regularibus facultatem ministrandi in suis ecclesiis omnibus fidelibus. Excipitur tamen 1. Si Episcopus rationabiliter prohiberet alicui, ne Eucharistiam sumeret. Excipitur 2. Communio in mortis articulo, aut periculo, dummodo non adgit extrema aut gravis necessitas, et parochus nequeat, aut nolit ministrare; Lugo Ronc. etc (1). Excipitur tertio Communio paschalisi, id est illa, qua praecepto satisfit, ut communiter aint Filluc. Sa Busemb. etc. Videantur hac de re, qua dicta sunt *Tr. 12. n. 41.*

124. Quoad facultatem concionandi, olim Regulares ex Clementina *Dudum de sepult.* poterant libere prædicare in suis ecclesiis, et in platis, sed *Trid. sess. 5. c. 2. de Reform.* statuit, ne in alienis ecclesiis prædicare possent sine licentia Ordinarii, et in ecclesiis propriis sui Ordinis, antequam benedictionem petant ab Episcopo. Quare Religiosis, ut in suis concionentur ecclesiis sufficit, ut petant benedictionem, et si illa denegetur, ut dicunt Lez. Pelliz. Bord. et Salm. cum aliis, adducto Decreto S. C. (2). Sed hujusmodi benedictio, ut dicunt Salm. non requiritur, ut prædicent per plateas; nam Concilium loquitur solum de ecclesiis. Semper tamen debent Regulares habere approbationem suorum Superiorum, qui peccarent, si nullo eorum præhabito examine, iis prædicare permetterent (3). Possunt

(1) Vide opus nostrum l. 6. n. 29. et 240. — (2) Salm. tr. 48. c. 4. n. 178 — (3) Ib. n. 476, et 177.

autem Superiores committere, etiam simplicibus clericis tonsuratis ut prædicent, ex privilegio Greg. XIII. Licit S. C. generaliter declaraverit, prædicationem posse committi cuiuscumque tonsurato (4).

125. Que vero ad ecclesiis alienas, ut dictum est, Regulares ibi prædicare non possunt sine venia Ordinarii, nisi id esset pro duabus aut tribus vicibus, ut dicunt Nav. Barb. Diana Salm., alique; aut dummodo Ordinarius non maneret inibi, et Religiosus aliquis transeunter ibi esset: quia tunc potest illi parochus licentiam concedere prædicandi, uti concessit Greg. XIII. (5). Quando tamen Ordinarius veniam concederet, Religiosus valet concionari in parochiis, etiam contradicente parocco, et quia Ordinarius est parochi Superior, et quia id fuit expresse concessum per Alex. IV. (6).

126. Quæritur 1. utrum liceat Regularibus concionari, contradicente Episcopo? Quando sunt alienæ ecclesiæ, et Episcopus ab initio veniam denegat, proculdubio non licet. Sed si Episcopus jam concessisset licentiam et deinde vellet eam revocare, aut si ecclesiæ esse nt proprie, dicunt Peyr. Vega Pelliz. et Salm. cum Diana, etc. (7) posse prædicare. Sed huic obstat quod in Tridentino statuitur (*sess. 24. c. 4. de Reform.*); *Nullus autem sacerularis, sive Regularis,... contradicente Episcopo, prædicare præsumat.* Obstat insuper Bulla Greg. XV. *Inscrutabili*, in qua statutur, Episcopum, ut delegatum apostolicum Sedis; posse punire Religiosos, qui in alienis ecclesiis suorum Ordinum non petita benedictione, aut ipso contradicente, prædicare presumpserint. Sed respondent Salm. quod tam prædicta Bulla, quam Concilium accipienda sint juxta id, quod statuitur in Clementina *Dudum supracitata*, in qua prohibe-

(4) Ib. n. 474. — (5) Ib. n. 484. — (6) Salm. tr. 48. c. 4. n. 189. — (7) Ib. n. 481.

tur prædicare, quando prædicat Episcopus, aut quando solemniter coram ipso predicatur. Et ita decimus referunt per S. C. Episcoporum et Regularium die 30. jan. 1629. apud Barb. (1). Cum ego tamen observasset Barbosam loc. cit., inveni, quod S. C. declaratio fuerit solummodo quoad conciones in ecclesiis propriis Regularium. Unde quoad ecclesiis alienas mihi non videtur probabilis supradicta responsio.

127. Quæritur 2. utrum Episcopus valeat examinare Religiosos petentes veniam concionandi in ecclesiis non propriis? S. C. apud Barb. (2) die 12. januar. anno 1628. statuit affirmative; sed negant Salm. (3) cum Pelliz. Bord. Diana Peyr. etc. ex Bulla Leonis X. *Superna*, in qua statutum fuit, ut nemo ad concionandum admitteretur, nisi prius per Superiores suos respective examinatus; et deinde declaratum fuit ibidem, quod Religiosus approbationem sui Superioris ostendere deberet. Respondent deinde Salm. cum Pelliz. et Granado supradictam contrarium S. C. Declarationem non amplius quam probabilem præ se ferre sententiam; unde non esse præferendam Bullæ Leonis. At, inquam, saltem probabile est ex dicta Declaratione.

(1) In *Trid. ses. 5. c. 2.* — (2) Loc. cit.

— (3) Salm. tr. 48. c. 4. n. 186.

tione, quod Episcopus valeat examinare, et aliter negare possit licentiam. E contrario Bulla Leonis prohibet Episcopis, ne admittant Religiosum, non afferentem approbationem sui Superioris, sed non vetat illum examinare, si velit et negare veniam, si ipse renuat examinari.

128. Animadvertisendum tandem est, Ordinarium ex Concil. Lateranensi V. posse suspendere et punire concionatores regulares in tribus casibus in quibus immo ipsi *ipso facto* suspenduntur a concionando: 1. Si prædicent miranda, falsa, aut incerta. 2. Si prædicent prophetias non fundatas in sacra Scriptura, aut non approbatas a Sede apostolica. 3. Si prædicando detrahunt Episcopis, et suis Superioribus. Insuper ex *Trid. sess. 5. c. 2.* Episcopus potest suspendere et punire Regulares illos, qui prædicant propositiones haereticas, erroneas, aut scandalosas (4). Demum adnotandum quod Urbanus VIII. in Constit. *alias feticis rec.*, etc. data 11. april. 1635. (in extenso relata apud p. Ferrar. *Bibl. tom. 5. verb. Oracula*, pag. 342. n. 9.) revocavit omnia privilegia ab antecessoribus regularibus concessa *viva vocis oraculo*, exceptis iis quæ testificata fuerint per ministros quibus vi sui officii fides adhiberi solet.

(4) Salm. lb. n. 488.

TRACTATUS XI.

DE CHARITATE ET PRUDENTIA CONFESSARI.

PUNCTUM UNICUM.

4. *De confessarii charitate in excipiendo penitente.*

2. *In eo audiendo.*

3. *In eo corrigendo.*

4. *De prudentia in interrogando, admonendo, et disponendo.*

5. *Remedia generalia.*

6. *Remedia particularia.*

1. Quatuor sunt officia quæ bonus confessarius exercere debet, patris nempe, medici, doctoris et judicis.

Quod autem attinet ad doctoris et judicis officium, sat de eo actum est in opere in omnibus tractatibus hucusque expositis. Restat nunc agendum de officio patris ad quod pertinet charitas, et de officio medici ad quod spectat prudentia. Confessarius, ut boni patris partes adimpleat, debet charitate esse plenus. Et primo charitatem adhibere debet in benigno excipiendo omnes sive pauperes, sive rudes, sive peccatores sint.

Nonnulli tempus solummodo insument in audiendis confessionibus aliquorum devotorum, aut personarum spectabilium, quia, ut has a se repellant, non est eistantus animus. Si tamen ad se aliquis miserabilis peccator accedat, ægre auditur, et convicis oneratus arcetur; unde fit, ut ille miser qui postquam sibi maximam vim intulerit, ut ad sua peccata confitenda veniret, se tam aspere acceptum sentiens, odium in Penitentia Sacramentum concipiat, et desperans se posse invenire, qui sibi opituletur, et se absolvat a peccatis, in perdita vilæ lubricum laxis habens præcepis ruat, et in salutis desperationem incidat. Secus boni confessari agunt; cum ad se hujusmodi peccatores confluunt, benigne hos accipiunt, et (quasi *victor capti præda*) exultant, perpendentes sibi sortem contigisse, animam de manibus dæmonis emere. Scint hoc Sacramentum proprie non pro justis fuisse constitutum, sed pro peccatoribus; etenim veniales culpæ, ut remittantur, non indigent sacramentali absolutione, cum multis alius modis deleri possint; scunt quoque Christum protestatum fuisse his verbis: *Non enim veni vocare justos, sed peccatores. Marc. 2. 17.* Propterea confessarius charitatis viscerainduens, quo magis animas peccatorum multitudine, et atrocitate coquinatas reperiat, eo magis, ut Deo ipsas lucifaciat, majore charitate eas amplectitur, eisque animum prebet his aut similibus verbis: *Eia frater! bono animo esto, noli timere: peccata tua impavide confidere. Aperi omnia confidenter, nullius te pudeat. Nihil refert, si in omnes tue conscientiae sinus non introspexeris; suffici si ad interroga la respondeas. Age Deo gratias, qui te hucusque ad paenitentiam expectavit. Nunc tibi mutanda est vita. Lætare, quia Deus certe omnia peccata, quantumvis ingentia, tibi remittit, si bonam habes voluntatem; ideoque te expectavit, ut*

tibi parceret. Igitur hilari animo dic omnia, nihil involucris tegas.

2. Charitatem deinde longe major ostendere debet in confessionem excipiendo. Caveat ne se impatientem, aut tædio affectum exhibeat; nec ostendat admiratione percelli de peccatis quæ narrantur; modo poenitens non sit ita animo durus, aut petulans, ut plura et atrociora peccata sine ullo rubore, et sine ulla displicentia animique sensu exponeret; quia tunc opus habet pro viribus efficere, ut a penitentie quanta sit illorum deformitas, et magnitudo percipiat; ideoque tunc a priori requiritur correctio, ut ipse a lethali lethargo expergesiat. Verum quidem est, quod (ut dicunt doctores) in actu confessionis abstinere debent confessarii a correctione facienda: ne forte exterriti poenitentes peccata reticeant; nihilominus hoc intelligitur regulariter loquendo: ceterum multoties expedit ad ulteriora non procedere, et statim poenitentem corripere, præcipue cum confiteatur peccatum valde enorme, aut si ipse fuerit in aliquo vitio habituatus, ut peccati gravitatem comprehendant. Advertat tamen, ne eum exasperet, nec perterreat. Quapropter, postquam eum, quantum opus fuerit, correxit, statim ei animum faciat ad reliqua peccata confitenda, dicens: *Eia Frater! vis te ab hoc vitio resipiscere? Num ita es? Et quoniam hoc facere es paratus, esto animo hilari. Itaque enarra reliqua peccata, nihil retineas. Cave, queso, ne sis aliquid sacrilegium commissurus. Hoc enim esset maximum omnium peccatorum, quæ hucusque commisisti. Igitur dic omnia animo fortis, vince te ipsum; confidere omnia sincere; Deus enim paratus est tibi parceret.*

3. Deinde in fine confessionis oportet, ut confessarius vehementiori ardore ac studio incumbat, ut poenitenti percipere faciat gravitatem et multitudinem ejus peccatorum, ac miserum damnationis statum in quo

reperitur; sed hoc semper maxima vitam infelicem, quam ducit qui a Deo alienus est). Postea adjuvabit eum ad doloris actus efformandum, et si dispositus est, cum absolvat, et remedia salutaria, quibus possit se a peccatis servare, suggestat, atque ei poenitentiam imponat (sed de his in numero, sequenti agetur). Si autem fuerit absolutionis incapax, aut expediens videbitur differendam esse absolutionem, assignet ei diem in quo regredi debeat, dicendo ei sic: *Eia Frater! tali die te expecto, ne prætermittas ad me redire; animo forti magnoque sis, ut tibi dixi; commendate quotidie beatæ Virgini, et veni ad me. Si forte tunc invenies me aliorum confessiones excipientem, accede, te enim ante alios audiam. Si atibi ero, fac ut me arcessant, omnia deseram, ut tu confitearis.* Et sic dulcibus verbis a se dimittat. Haec est via qua peccatores tales allici possunt, nempe cum eis agere quanta maxima fieri potest, charitate: alioquin, si ipsi in confessarium incident, qui cum eis inclementer agat, a confessione horrebunt, confiteri negligent, et effrænt in perditionem ibunt.

4. Ad medici officium spectat prudenter, qua requirit, ut confessarius ad recteturandum poenitentem suum, prius cognoscat causas et originem omnium infirmitatum spiritualium, interrogando de habitu, de occasiōnibus peccandi, de loco, tempore, et personis cum quibus peccavit. Et ex his se dirigere debet ad debitas correctiones faciendas, quas nunquam omittere debet cum quibuscumque personis, licet quacumque illustri qualitate fulgeant, nec cum principibus, magistratibus, prælatis, parochis, aut sacerdotibus, cum ipsi se accusant de culpis gravibus, et sine nimio animi sensu: cum hujusmodi licet adhiberi debeat correctiones verbis lenioribus et discretioribus; majoritatem animi fortitudine et calore fiat, ut ipsi cognoscerent pacem, quam ex istorum peccatis propter gravius damnum quod suo malo exemplo

aliis afferri potest, perniciosor flagitorum consequens esse soleat licentia. Propterea cum istis, si suo de-
sunt officio, admonitio non omittenda est, licet in bona fide existant. Cum aliis vero, qui aliqua laborant inculpabili ignorantia, an adhibenda sit admonitio cum profutura non est, vide dicta *Tr. 46.* (cum de confessione locuti sumus ex n. 108.) Deinde audita confessione debet confessarius procedere ad disponendum per actus doloris et propositi pœnitentem ad absolutionem. Iterum hic advertendum quod diximus *Tr. 46.* n. 103. in fine, quod si pœnitens esset indispositus, tenetur confessarius (quemadmodum dicunt Suarez Laym. et alii) pro viribus efficere, ut disponatur, nihil curans quod alii expectent, aut abeant. In eodem *Tr. 46.* n. 101. locuti suimus de prudentia, quam adhibere debet confessarius in injungenda pœnitentia pro viribus spiritualibus pœnitentis, ne onere majore, quam pœnitentis vires patiuntur, illum gravet. Sed maxime confessario intendendum est, ut opportunitaria applicentur remedia, quibus pœnitens in Dei gratia conser-
vari valeat.

5. Sermonem autem facturus de remediis, quæ insinuari debent pœnitentibus, dico, alia esse generalia, alia particularia pro aliquo vito particuliari. Generalia omnibus insinuanda, sunt 1. Amor erga Deum, cum ipso ad hunc solum finem nos creavit. Et curetur pariter, ut pœnitens cognoscat pacem interiorem qua donantur, qui Dei amicitia fruuntur, et infernum quem ante tempus experientur qui alieni sunt a Deo; addita pernicie temporali, quam seum trahit peccatum. 2. Sæpe se commendare beatæ virginis, Rosarium recitando; se commendare Angelo Custodi, et alicui Sancto peculiari protectori. 3. Frequentia Sacramentorum, et si unquam in aliquod peccatum mortale inciderit, statim se confiteri. 4. Veritatum æternarum

consideratio, et præ cæteris consi-
deratio mortis; et patribus familias in-
sinuanda est quotidiana mentalis
oratio in communi cun' familia, aut
saltem Rosarium una cum filiis. 5.
Dei presentia, cum urget tentatio,
dicendo: *Deus me videt...* 6. Quolibet
vesperi conscientiam scrutari cum
animi dolore et proposito. 7. Secularibus, ut in aliqua congregazione se
adscribant, et sacerdotibus oratio
mentalis, et gratiarum actions post
Missam, et ut perlegant saltem aliquem libellum spirituale ante et
post Missam.

6. Remedia autem particularia as-
signabuntur pro vitiorum diversitate, v. gr. illi qui aliquo odio tenetur, in-
sinuetur ut quotidie commendet Deo illum quem odit, recitando pro ipso Orationem dominicalem et Salutati-
onem angelicam, et cum se turbari
sent memoria injuriæ sibi illatae,
reminiscatur contumeliarum, quibus ipse Deum affecit. Illi qui in peccata
turpia prolapsus est, ut otium vitet,
malos socios et occasiones ausfugiat;
et illi qui habitum pravum per longum
tempus contraxit in hoc vito, ut non solum vitet proximas occasio-
nes, sed etiam quasdam remotas,
quaesibī tam debili ad resistendum
factæ erunt proximæ. Huic præcipue
imponatur, ne unquam intermitat
recitare ter Salutationem angelicam
in honorem puritatis beatissimæ Vir-
ginis, mane et vesperi, repetendo
semper coram ejus imagine propositum
non peccandi, et supplicationem,
ut sibi perseverantiam impetrat. Potissimum autem confessarius curet;
ut frequenter hic communicet, cum Eucharistia dicatur *Vinum germi-
nans virgines.* Illi qui solitus fuit
blasphemias proferre, insinuetur ut
novies, vel quinque, lingua signet
crucem super terra, et ut quotidie
saltem semel dicat Orationem domini-
calem et Salutationem angelicam in
honorem Sanctorum, in quos execra-
tus fuit; et ut quolibet mane, dum e-
cubilli surgit, renovet propositum

patienter ferendi occasiones indignationis, et ter dicat beatae Virginis quo-
libet mane: *Domina mea, doxa pa-
cientiam.* Et id non solùno inserviet,
ut sanctissima Maria sibi opituletur,
sed etiam, ut in occasionibus repe-
riatur habitus factus dicendi eadem

verba. Aut assuescat dicer *Io, male-
dictum sit peccatum meum, maledic-
tus sit demon, etc.* Alia remedia as-
signabit confessarius pro sua pru-
denta, inspectis circumstantiis occa-
sionum, personarum, et munerum.

TRACTATUS ULTIMUS

QUOMODO SE GERERE DEBEAT CONFESSARIUS CUM POENITENTIBUS DIVERSORUM GENERUM

CAPUT UNICUM.

1. ad 7. Punct. I. *De iis qui in occa-
sione proxima versantur.*
 8. ad 15. Punct. II. *De habituatis et
recidivis.*
 16. et 17. *De Ordinandis pravo habitu
irretitis.*
 18. ad 30. *Punct. III. De interrogati-
onibus faciendis pœnitentibus ne-
glectæ conscientiæ; et I. De interro-
gationibus faciendis rudibus juxta
ordinem præceptorum.*
 31. II. *De interrogationibus faciendis
pœnitentibus diversorum statuum,
et conditionum: et I. Sacerdotibus.*
 32. II. *Monialibus.*
 33. III. *Judicibus. IV. Scribis. V. Me-
dicis.*
 34. VI. *Chirurgis et pharmacopolis.*
VII. *Negotiantibus. VIII. Sartori-
bus.*
 35. IX. *Proxenetis, et venditricibus.*
 36. X. *Barbitonibus, et capillorum
fictitiorum (vulgo Perruche) arti-
ficibus; et hic fit sermo de juveni-
bus qui mulieribus aptant caput.*
 37. ad 41. Punct. IV. *De pueris et
puellis.*
 42. et 43. Punct. V. *De personis pie at-
tadicis.*
 44. et 45. Punct. VI. *De mulis et surdis.*
 46. et 47. Punct. VII. *De moribundis.*
 48. et 49. Punct. VIII. *De capite dam-
natis.*
 50. ad 53. Punct. IX. *De a dæmonibus
vexatis.*
 54. et 55. Punct. X. *De mulieribus.*
- PUNCTUM I.
- QUOMODO SE GERERE DEBEAT CONFESSA-
RIUS CUM IIS QUI SUNT IN PROXIMA
OCCASIONE PECCANDI.
1. Maxima confessarii cura debet